

JESU CHRISTI
ANNUS
604.

GREGORII PAP.
ANNUS
15.

PHOCÆ IMP.
ANNUS
2.

I. **S**equitur ordine temporum Christi annus sexcentesimoquartus, ac S. Gregorii decimoquartus inchoatus jam anno superiori a tempore exordientis Indictionis septimæ, idemque ultimus ejusdem Pontificatus, quo ipse quarto Idus Martias, Deo vocante, feliciter ex hac vita migravit: de cujus felici ad Deum transitu antequam agamus, reliqua quæ his mensibus ab inchoata septima Indictione contigerunt, hic primum nobis sunt enarranda. Hoc igitur anno pax cum Agilulpho Rege Longobardorum iterum renovata est, quæ jam ante elapso tempore statuto cessarat. Sancta itaque pace, cum idem Rex auctus fuisset prole mascula, eam pia mater Theodolinda in fide Catholica voluit baptizari. De quibus omnibus ipsa Regina certiore reddidit S. Gregorium, datis ad eum litteris, missisque Romam legatis. Ista cum accepisset sanctissimus Pontifex, ad Theodolindam Reginam, eidem gratulatus, litteras reddidit, missisque sacra munuscula nato filio. Litteræ autem sic se habent (a):

(a) Greg. l. 12. ep. 7. Ind. 7. II. Epistola Greg. ad Theodolindam.

Scripta quæ ad nos dudum a Januensis partibus transmissis, gaudii vestri nos fecere participes, propterea quod omnipotentis Dei gratia & filium vobis donatum, & quod valde excellentia vestra est laudabile, Catholicæ eum fidei novimus sociatum. Nec enim de Christianitate vestra aliud credendum fuerat, nisi id studere vos, ut quem divino munere

suscipistis, Catholicæ reſtitutionis auxilio muniretis: & ut Redemptor noster familiarem te suam famulam cognosceret, & Longobardorum genti novum Regem in timore suo feliciter enutriveret. Unde oramus omnipotentem Deum, ut & vos mandatorum suorum via custodiat, & eundem excellentissimum filium nostrum Adalwaldum in suo faciat amore proficere: quatenus sicut hic inter homines jam magnus est, sic quoque ex bonis actibus anime Dei nostri oculos sit gloriosus.

Illud autem quod excellentia vestra scripsit, ut dilectissimo filio nostro Secundino Abbati, ad ea quæ scripsit, subtiliter respondere deberemus, quis vel petitionem illius, vel vestra desideria, quæ multis esse profutura cognoscit, si ægritudo non obſisteret, duceret postponenda? Sed tanta nos podagræ nunc infirmitas tenet, ut non solum non dictare, sed nec ad loquendum possimus aſurgere: scus & presentium portitores legati vestri cognoverunt, qui nos & venientes infirmos invenerunt, & discedentes in summo vite periculo atque discrimine reliquere. Ita quidem: nam eodem ipse Gregorius (ur paulo post dicturi sumus) extinctus est morbo. Sed quæ sunt reliqua ejus epistolæ prosequamur: Sed si, inquit, omnipotente Deo disponente convalesco, ad cuncta quæ mihi scripsit, subtiliter respondebo. Eam tamen Synodum, quæ piæ memoriæ Justiniani tempore facta est, per latores presentium transiſſe, ut predictus filius meus dile-

III.
De Secundini scriptis convincendis.

PAGIUS ANNO PERIODI GRÆCO-ROMANÆ 6097.
SÆC. VII
An. Fææ Hispan.
DCXLII.
A. C. 604.

☉ 25. ED. ☽ 16. P. 22. Mart. Indict. 7.

JESU CHRISTI 604.

SABINIANI PAPÆ 1.

PHOCÆ IMP. 3.

I. **I**S annus hac formula notatus: II. Phoca Aug. primum solo Consule, licet per errorem in Chronico Alexandrino hoc anno legatur: Phoca II. post Consulatum Phocæ Augusti. [2] Annis sequentibus ex ipsomet Auctore Chronici Alexandrini eum errorem emendabimus. Præterea in Fastis Heracleanis a Dodwello publicatis Phoca Consulatus huic Christi anno illi-

gatur, quemadmodum & in Chronico Theopanis, ut anno superiori vidimus. Denique Epistola Divi Gregorii Papæ ad Felicem Subdiaconum a Margarino initio Tomi 2. Bullarii Casinensis relata, his verbis subscribitur: data VIII. Kal. Februarias D. N. D. Phoca Aug. anno secundo, & Consulatus ejus anno primo, Indict. VII. quæ Kal. Sept. præcedentis Christi anni inchoata est. Quare Petavius in Notis ad Breviarium Historicum Nicephori Patriarchæ Constantinopol. Phocam anno sequenti Consulatum iniſſe peperam credit, indeque annos eundem Consulatum consequentes cum Imperii annis sine errore copulare non potuit. Quod si Vir doctissimus subscriptionem laudatæ Epistolæ Gregorianæ apud Baronium hoc anno num. XVI. legisset, eam opinionem amplexus non esset. Consulatus enim anno primo, idem est, ac anno post Consulatum, modo sc. loquendi a Mario in Chronico usurpato.

NOTÆ [1] **I**nscriptiones basilicæ S. Pauli num. 243. Dat. VIII. Kal. Februarias Dn. D. PHOCA PP. Aug. Anno Secundo & consulatus ejus anno primo Ind. Septima. Vid. Pagium Dissert. Hypat. pag. 341. GEORGIUS

[2] **P**urum ab errore esse textum Chronici Alexandrini in Nota ad annum superiorem demonstravi. MANSI